

37712

共4册



李宋詩選

晚清書屋刊本

會稽周氏

有宋詩人自建隆以逮德祐三百年間粲然輩出
渡江以注雖體淪卑近然放翁石湖晦翁三君子
屹然鼎峙足稱繼起其間卓然成家者亦不乏人
第悉有帙集及行世選本惟此六十餘家自臨安
彙刻之後絕罕流傳倘不亟為甄收誠慮終歸湮
落間居誦讀之餘爰加決擇存其什三釐為十二
卷驅舊目於新途揔宿舌於別味要皆異乎前人
之所謂邛劂者覽者幸無以鄙後可刪致相誚責
也雍正辛亥四月江都陸鍾輝書

南宋羣賢詩選目錄

卷一

洪邁二首

危正六首

羅與之十三首

高翥五十六首

鄒登龍五首

余復觀四首

趙崇拂十一首

朱南杰三首

王琮七首

卷二

斯植二十五首

陳起四首

吳仲孚十四首

王同祖四十二首

沈說十九首

陳允平三十三首

卷三

何應龍十三首

毛翊三十首

鄧林三十三首

許棐十八首

胡仲參十三首

卷四

陳鑒之二十八首

施樞三十七首

徐集孫十首

吳汝弋六首

武行三十六首

卷五

高似孫十七首

葉紹翁二十首

張弋十三首

張至龍十二首

杜旃十七首

劉仙倫二十四首

卷六

嚴粲四十九首

黃文雷四十首

趙希櫛八首

葛耕起九首

卷七

利登四十一首

薛天嶠十三首

葛天民三十一首

卷八

俞 桂十三首

劉 翰十一首

張良臣二十二首

張 蘊二十五首

黃大受九首

林希逸二十三首

卷九

敖陶孫三十九首

朱繼芳三十四首

卷十

陳必復十一首

林向仁五首

姚 鏞十首

樂雷發四十二首

宋伯仁五首

戴復古十九首

卷十一

葉茵七首

李龔八首

姜夔六十七首

李濤八首

陶弼十一首

卷十二

周文璞六十九首

薛師石四首

永頤十八首

周弼二十四首

南宋羣賢詩選卷一



江都 陸鍾輝淳川 甄錄

洪邁 二首



邁字景廬忠宣公皓子與兄文惠适文安遵皆中
博學宏詞科由是三洪之名滿天下累遷吏禮二
部員外郎乾道三年拜中書舍人兼侍讀直學士
院仍叅史事尋拜翰林學士進煥章閣學士知紹
興告老以端明殿學士致仕卒年八十謚文敏有
野處類稿二卷

南史詩選 卷一
秋日漫興二首

江湖久客日思家坐覺微霜上鬢華節序又催秋後雁
風光爭發雨前花倦游已夢莊生蝶不飲何憂廣客蛇
怪底朝來衣袖薄一川白露下蒹葭

一夕西風木葉飛畫梁落月淡餘輝銀燈夜照還家夢

金剪親裁寄遠衣霜信早隨新雁至素書深訝故人稀

無因爲謝東曹椽鱸熟蓴香莫便歸

按類稿上下二卷
自秋日漫興以外

皆載朱先生松韋齋集
中難以臆定故悉置之

危正六首

正字逢吉臨川人舊名科舉進士洪邁愛其文擢

第孝宗爲易今名調南康教授累遷屯田員外坐

賦詩送柴中行去國迂宰執出知潮州復以通書

徐僑論罷提舉千秋鴻禧觀久之提舉崇禧與鄉

里耆艾七人爲真率會卒年七十四有異齋集

王架閣夙有碁癖嘗于和篇中譏其不工架閣

頗諱惡其說復次韻戲之

劉伶耽于酒淵明玩于菊君乃癖于文愛碁猶更篤文

高新掌故碁只前祕讀我昨却菜兵書法謹夾谷不知

南史詩選 卷一 二
君諱之護名如護玉耻鼓趙王瑟欲舉漸離筑明發疾
呼予開枰數反覆盛氣欲吞敵厲響亦驚俗失利頰湊
頰得雋喜填腹勢固健于常年終弱于僕君名高天下
此特一不足小負毋重爭旁觀有靜矚大明昧于小月
固不勝燭切勿罪劉五此筆競所錄自注時涂任伯亦
頗短架閣之恭而
和篇言不工者實予也
架閣乃歸罪于任伯

春日有感

春入長安百萬家湖邊無日不香車一株柳色吾無分
看煞庭前薺菜花

春日卽事

麥風翻隴潑濃綠花露滴枝粘老紅小立樓頭檢春事
一絲暖日墜青虫

送晁告遠得南康

我是康廬舊冷官夢魂今尙憶雲端山將草色到天碧
泉帶松聲出谷寒仙觀幾年留宦隱古潭有日起龍蟠
使君肯着詩料理乞我蠻箋半幅看

接客篇

接客接客高亦接低亦接大兒穩善會傳茶小兒躑躅

能作揖家人不用剪髻雲我典唐書充饌設唐書典了
猶可贖賓客不來門戶俗

郭公篇

郭公郭公聞爾失國春秋時何事到此猶悲啼郭公前
言亡國故當時只緣臣子誤百年社稷不得歸而今家
住柘崗西滿目春風都是恨聲聲說與齊侯知郭亡矣
君勉之

羅與之 十三首

與之字與甫一字北涯螺川人雪坡小稿二卷

劉後

村題雪坡卷有云織千機錦
非常巧熏一銖香已覺多

玉梁道中襍詠六首

清商泛西來刺刺滿林塢草木儵變衰柯葉不相顧昔
時翳空雲今作連山雨菊花猶強項籬邊爭媚嫵

峭壁圍莽蒼荒谿人削迹時聞蘆葦叢野鳥話岑寂浮
生雖有涯幽討當無極御風獨長嘯此心謝鞿鼻
泠泠澗底泉破碎山根翠似欲留佳客曲折二十四我
行無定止蠟屐信所詣偶來儵舍去乘興聊復爾
乾坤掃陰霾晴色敞幽谷山川薦秋容可秀若可匱千

南史詩選 卷一 四
岩寄一筇萬里付雙目行行翠烟中日與清景逐
濛鴻玉梁境縹緲雲霞仙月壇白雲洞遺址空依然千
年唯亂石蹲踞秋山烟徘徊莫可覓酌盡丹井泉
塵盆不可奈飄然入林垆稍覺道心勝漸至詩脾清靜
極生孤愁耿耿難爲情喧寂兩莫愜吾意何由平

江行阻風小市

弭棹黃蘆外江雲遶桅牙寒深身軫粟風急浪生花日
暮人收市年窮客念家倚篷無可奈忍見後歸鷗

始見

雪後寒猶勁書窓怯暫開因沾江畔酒始見竹間梅歲
月崢嶸去衰顏次第來誰能憂許事杖履且徘徊

山行

盡日留連興未闌寒鷗背負夕陽還遙知今夜空牕夢
只在江南水石間

信步

信步獨幽尋春山野霧深鳥啼如喚僕泉響似鳴琴日
暖草爭秀風狂花不禁却嫌荒僻地無酒與春斟

泛舟秋懷

百字詩選 卷一 五
白露消磨暑丹楓點畫秋閑吟小山賦歸思大江流世
盡營三窟人誰樂一邱蓬窓有佳致月朗政風休

林深

林深氣襍不相關衆建芳馨兩廡間月榭琴彈新製曲
曉牕畫展舊遊山淒涼風滿竹千箇的皪春歸梅一班
可笑野人無繫累機心猶在釣魚灣

一夜

潦收野水淨雲陣布重陰一夜西風急千山落葉深身
猶衣暑服耳已厭寒砧對此無心者還應雪滿簪

高

翥

五十六首

翥字衍孫一字九萬先世本燕人南渡時以宣仁
外戚賜第臨安後散居于越幼習科舉旣乃棄去
命所居曰信天巢放情吟嘯陳復齋宓許練庵復
道交最密孝宗朝累徵不起乃卽所居賜號菊澗
處士手書賚之季年愛巖門山水與子鄉進士道

隆俱遷焉卒葬西湖談家山有菊澗集

姚牧庵曰
氣象渾厚

不務嶮怪艱深哀樂皆適其中詞氣圓美流轉如
彈丸則其功也深矣 玉几山房聽雨錄處士有
報林君復書謂古詩以漢魏爲至律必開元以前
材有不逮可勉而至志之所畫終焉而已使蘇李

南齊書選 卷一
苟安必效瓦缶之奏孟賈易轍立發洪鐘之响然
匠心難工學步滋愧時賢崇尚杜詩句細字釋神
理索然竊欲法其弘深滌彼拙率推之漢魏莫不
皆然若夫天寶以還五季而上但堪代燭云爾其
自言如此其志
趣亦自可尚

春日卽事

人間閑日月春後乍晴陰
夜雨聲急一谿流水深
鳥啼花自發詩就客能吟
短策西湖路幽芳信意尋

送別

老去情懷怕別離
年來不作送行詩
人前舉似終難信
問着垂楊便可知

春日北山二首

人緣白石泝清溪
手剝蒼苔認舊題
春色滿山歸不去
拆桐花裏畫眉啼
插花吹笛兩山中
桃李尊前日日同
待得馬頭飛絮滿
更來沽酒看殘紅

禱興

新分菊本自鋤山
手縛枯藤作矮闌
比似著書空用力
種花猶得一年看

秋日田父辭二首

啄黍黃鷄沒骨肥。繞籬綠橘綴枝垂。新釀酒。旋裁衣。正是婚男嫁女時。

少婦按藍旋染裙。大兒敲葛自漿巾。新摘摘。笑欣欣。相喚相呼看賽神。

孤山雪後

雪後騎驢行步遲。孤山何似灞橋時。近來行輩無和靖。見說梅花不要詩。

西湖春雪

小艇沿湖看雪飛。正當騎馬踏春時。是誰乞與楊花舞。

先占東風一月期

閑居襍興二首

開門遣蠻童買花供。銅佛春風隨花來。爲我一披拂。風和花氣清。下簾休放出。回施佛因果。供此老詩骨。杜鵑休怱怱。布穀休聒聒。無田不須耕。無家自能活。行藏莫非時。造化安能奪。更放心地寬。出門行路濶。

春日湖上

乘興行新路。凝情獨老翁。鳥啼春草上。人影夕陽中。飛絮沿湖白。殘花染浪紅。晚歸雲氣合。雙槳破空濛。

春懷

江南春盡尚春寒
添盡征衣獨掩關
日暮酒醒聞謝豹
所歡多在水雲閒

過臨平

征帆一似白鷗輕
起揭船篷看曉晴
梅子着花霜壓岸
自披風帽過臨平

秋日

庭草銜秋自短長
悲蛩傳響荅寒螿
豆花自解通鄰好
引蔓殷勤遠過墻

蓮實

膩玉肌膚碧玉房
纍纍波面起紅芳
坐忘佛土三生夢
來結人間一夜涼
青子綻時仙掌濕
綠包分處蜜脾香
尊前笑摘醅風露
猶記西湖古柳旁

無題

風竹蕭蕭淡月明
孤眠真箇可憐生
不知昨夜相思夢
去到伊行更幾更

秋興

數聲新雁夜初長
曉起開門衣袂涼
籬菊褪黃秋興懶

南齊詩選
瓦溝纔試一痕霜

秋晚卽事

江頭楓葉舞低回
催得濃雲頃刻開
萬里碧天紅日晚
數聲新雁送寒來

曉出黃山寺

曉上籃輿出寶坊
野塘山路盡春光
試穿松影登平陸
已覺鐘聲在上方
草色溪流高下碧
菜花楊柳淺深黃
杖藜切莫匆匆去
有伴行春不要忙

春日湖上

清波門外放船時
盡日輕寒戀客衣
花下咲聲人共語
柳邊墻影燕初飛
曉風不定棠梨瘦
夜雨相連薺麥肥
最憶故山春更好
夜來先遣夢魂歸

送春

韶光催去本無情
祇爲東君去任輕
雖欲遲留芳草夢
如何禁得杜鵑聲
桐花快落春風老
梅子微酸晚雨晴
從此嬉遊時節少
不須日日報詩成

渡錢塘

小立晴江上
潮生落照邊
晚花低映水
春草暗迷烟
燕

西牙詩選 卷一
子飛官驛鷗羣引客船關情南浦別相對獨依然

江居曉詠

家住清江江上邨江雲山影自平分幾回早起開門看
不見青山見白雲

題二小姬扇二首

慶娘顰翠眉春瘦怯羅衣笑問採花蝶如何成對飛
湘湘未識羞獨坐抱箜篌貪學者婆舞擡身拜部頭

小樓雨中

雲浮江雨暗獨客苦淹留白髮羞明鏡青山對小樓酒

功書下下心事付悠悠安得并州剪從頭剪斷愁

戴山登高

醉眼橫斜看菊枝又成客裏過佳期去年行路猶持酒
今日登高懶賦詩老淚怕從衣袖見閑情但有帽欄知
阿髯故國才歸得歲歲須來舉一卮

重遊無量院

佛屋欹斜老翠微小軒猶記昔遊時江雲帶雨涼生竹
野水迎潮暗入籬門外風波僧自識山中朝暮客曾知
眼明素壁關情久十載才能寫此詩

春霽

積雨才收雲盡歸。長空一色碧琉璃。日移簾影臨書案。
風貼瓶花落硯池。巢燕學飛猶戀母。籠鷄得食旋呼兒。
眼看景物關情甚。喜爲新晴賦此詩。

歲除登峯嶠山精舍

蕭寺經行無盡情。倚闌長是眼增明。谿因宿雨十分急。
山爲凝寒一味清。竹外飛花隨晚吹。樹頭幽鳥試春聲。
重來又是明年事。臨出門猶欵欵行。

春寒

料峭東風破客衣。春寒不比臘前時。絕憐墻角櫻桃樹。
全似梅花雪後枝。

春情二首

天涯海角水雲寬。人在吳頭楚尾間。彈徹箜篌難寄恨。
海棠庭院獨凭欄。

深院沉沉照落暉。寶香薰徹舊時衣。一春行樂誰爲伴。
羞見花前蛺蝶飛。

冬日卽事

江上凝冰約水痕。門前殘雪綴溪雲。杖藜獨立梅梢月。

成就清寒到十分

訪銛朴翁不遇

亂花飛絮趁長髯來訪西湖竹裏庵行盡白雲三十里
詩人又在白雲南

聚景園口號二首

淺碧池塘連路口淡黃楊柳護檐牙舊時歲歲春風裏
長見君王出看花

竹影參差臨斷岸花陰寂歷浸清流遊人難到欄杆角
盡日垂楊蓋御舟

恭跋思陵宸翰拓本卷後

淡黃越紙打殘碑盡是先皇御賜詩白髮內人和淚讀
爲會親見寫詩時

山行卽事

落盡桐花春已休過墻新竹籜初抽山行步步黃泥滑
小立溪橋聽雨鳩

曉行

跨馬登長路聞鷄度遠關水光斜漾月雲影倒蘊山人
迹霜橋外禽聲烟樹間自慙林下客清夢未曾還

下塘

日出移船日又斜
蘆根時復見人家
水鄉占得秋多少
岸岸紅雲是蓼花

天衣寺

萬壑千岩非浪聞
十峯雙澗不須論
袈裟旋化空王服
宮觀曾招帝子魂
山向馬頭回禹穴
谿分燕尾入雲門
秋行既了登臨願
草草題詩對綠尊

重五日懷舊

獨守空庭日欲晡
滿斟濁酒不須沽
白頭兄弟三年別

青眼交游一字無
醉看葵榴懷舊事
纔思櫻笋夢吾廬
向時癡絕今愁絕
自讀離騷些老夫

初聞雷聲

二月寒猶在春雲濕
未開灑窓終夜雨
發軔數聲雷
薺麥綠生腦棠梨紅折腮
西湖花事動從此日徘徊

秋夜

示二

小屏相對兩眉攢
長夜迢迢不肯殘
鼠向燈前窺坐卧
人從夢裏說悲歡
故山無計行秋晚
客路從誰守歲寒
獨得濁醪相慰藉
酒腸猶喜十分寬

寄王仲彞仲彞留三衢久不歸省因以箴之
別君三見燕南飛夢裏相逢覺又非書去不知何日到
人來先問幾時歸正堪燈火親書卷莫遣塵埃染客衣
二老倚門知已久交情于此亦依依

無錫縣春日

吳楚新岐路江湖舊散人放船來古縣沽酒供閑身花
卸一邨雨鳥啼千樹春野塘風卷地無復見芳塵

曹娥浦泊舟

夜宿曹娥浦停舟是幾更聞鐘知寺近聽櫓信潮生風

向沙頭起天從柁尾明夢回無意緒兩岸杜鵑聲

拜林和靖墓

玉函香骨老雲根占斷孤山水月村薦菊泉清涵竹影
種梅地冷帶苔痕生前已自全名節身後從誰問子孫
惟是年年寒食日游人來與酌清樽

送方秋崖去國

忠言歷歷未曾行盡載圖書出帝京餘子但知才可忌
先生當以去爲榮門闌竹石關心久部曲溪山照眼明
長咲歸歟莫惆悵浙江風定自潮平

按此詩人謂與劉改之送王侍御詩

南
宋
詩
選
卷
一
三
敵 匹

清明日對酒

南北山頭多墓田
清明祭掃各依然
紙灰飛作白蝴蝶
淚血染成紅杜鵑
日落狐狸眠塚上
夜歸兒女笑燈前
人生有酒須當醉
一滴何曾到九泉

輦下酒市多祭二郎祠山神

簫鼓喧天鬧酒行
二郎賽罷賽張王
愚民可煞多忘本
香火何曾到杜康

度仙霞嶺

盡日度仙霞
西風吹鬢華
乍寒拋白苧
臨晚見黃花
山嶮全無路
溪晴半是沙
嶺雲逢宿處
料得帶歸霞

過平原故相宅

拂曉官家簿錄時
未曾吹出玉參差
傍人不忍聽鸚鵡
猶向雕籠喚太師

趙忠定公帥蜀時題雪錦樓有扁舟衡岳問歸程之句後人以爲識題跋者甚多邵使君以墨本見贈敬書其後

九鼎重安國勢牢
功名易建謗難逃
手扶日月掃雲霧

身在江湖直羽毛雪錦詩成如識兆金滕書啓見勤勞
紛紛論定知忠烈不負中朝兩字褒

鄒登龍 五首

登龍字震父臨江人有梅屋吟稿

真西山云鄒君之詩言造理而

句入律非專于學不能到也 劉後村曰予爲宜春守在郡百八十二日坐向者奏疏狂妄罷去是日舉場開白袍皆入試無一人送予者惟詩人沈莊可出分宜縣郭十餘里餞別甚勤又携鄒君詩卷見示夜投古驛吏卒皆散挑燈讀之語極清麗不覺盡卷 戴石屏曰讀震父詩如行春風巷陌間動人心目處多矣

關山月

行人十年歸不得夜上戍樓看明月樓中星斗連太白
樓外關山雁飛絕前年出幽燕明月何團圓去年上邗
連明月復婵娟月明照我長枕戈欲歸不得將奈何

溪邨

兀兀小橋西人家住繞溪雲山當戶入竹樹出簷齊風
急花初盡春深鶯亂啼稻畦新雨足穉子亦鉏犁

題杜少陵草堂圖

背郭好林塘誅茅作草堂因吟白鴉谷爲卜碧鷄坊
竹和烟淨江梅帶雪香四松經喪亂閱世幾風霜

遊玉笥山

玉笥凌空後元都詔吏仙荒壇深覆草峭壁響流泉石
洞隨龍蟄金丹許崔傳夜深搗藥鳥啼破翠微烟

梅花

約臂金寒招綺疏搔頭玉重壓香酥含章簷下新妝額
試啓菱花得似無

姚希聲題震父詩卷君叅選體源流遠力挽唐人
氣脉回句法間從南嶽出吟聲元自石屏來淡于
古井無波水清似孤山老樹梅見說抄歸湖海集
可能傳到道鄉臺鄒郎雅意耽詩句多似叅禪有
悟無吟到草堂師杜甫號為梅屋學林逋潤滋草
木山含玉光動波瀾水有珠學力到時言語別更

從騷雅
著工夫

余觀復 四首

觀復字仲行盱江人有北窓詩藁

寄伯成二首

昔別青梅酸今來黃葉墜葉墜卻歸根窓隙見駒過大
巧亦自然小智空瑣瑣一言取封侯千金賈奇禍達人
知倚伏去就無不可天公亦可為妙用正在我
風雅不可復亦乃世代然君看黃初語已減河梁篇神
思透溟滓至寶辭雕鐫儻欲剩着語不如寂無言

梅花引

擣銀雲鋤璧月裁得寒花寄愁絕陽和一點來天根春
滿江南誰漏泄珊瑚作樹玉爲膚沉水薰香檀吐屑野
橋橫寒澗潔斜稍舞破屋頭烟老樹壓殘墻角雪蕭然
與俗最無緣此話難明向誰說絕愛西湖君暗香浮動
月黃昏亦愛東坡老竹外一枝斜更好二仙去矣花寂
寥着語壓花花不倒誰能淡筆傳其真誰能楚語招其
魂參橫月落興未了三叫花神聞不聞花影搖搖情默
默蕭寺鐘鳴天欲白披衣遶徧樹頭行判斷人間風月

國

次韻

榴簇殷紅竹迸青風驚簷玉一時鳴晚來幽趣無人解
流水聲中看月行

趙崇鈿 十一首

崇鈿字元治開封人鷗渚微吟

江上

清露初生紅蓼秋西風先到木蘭舟釣絲不捲波痕穩
夢入蘆花數白鷗

都昌書事

世事可無酒春藤還有花山雲欲到地街鼓又催衙風
緊魚休市官貧飯帶砂天機不得問暮色欲棲鴉

大孤

大孤溶溶決眼青小孤江色春冥冥隔江淮壖幾千里
枯荻蕭摻朔風起佳人何在遙相望我無羽翼從君翔
爲君暗整眞珠裳綠蘅翠芷參差香

尋眞夕對

春雲弄月黃金絲春山草木皆仙姿松根對坐日西夕

羣峰當前列青壁鏗鏗虛谷含古音靜聽宛是商山吟
洞石微開月當戶剪水弦冰心手語

湖中

汀蒲獵獵起涼颼碧蕩香中獨立時機事兩忘吾喪我
扁舟吟過水仙祠

偶成

數日東風欺病骨侵凌曉色作輕寒客來坐久無談柄
共看遊絲上井闌

荅碧山

南宋詩選 卷一 三
欲種梅花無古根手移蘭茁上磁盆却憂偏仄傷蘭性
自下清招爲返魂

和壁間韻

半髻嬋娟垂兩鴉驚潮微隱寶簪斜客愁正自遊絲亂
莫戴釵頭百結花

學詩

神仙不可學願學嘗不死學詩如學仙吞霞潔塵滓
花流水香烟霏暮山紫涼颼入修竹一咲鳴綠綺

狹斜

吳姬凌寒吹玉篴手僵誤作遲遲聲却來拋眼調行客
中有二月東風情東風二月楊花滿伯勞朝啼芳思亂
狹斜繡轂易爲愁邂逅相逢莫腸斷

書事

東鄰老翁寒不寐百結懸鶉放悲泪自云子孫學種田
不識江湖與風水大兒里胥縛送州小兒逃遁卒未休
老夫忍饑特未死犁耙典盡春無牛身爲王民合徭役
運米操舟操不得江湖風水未足愁楫喪檣傾誤人國

朱南杰 三首

南杰字未詳古徐人官監鎮學驗稿有淳祐戊申

自敘

過長河堰

帆指長河風力微
漁舟箇箇有魚歸
一聲水際笛三弄
幾處梅邊竹四圍
桑伐遠揚蚕事熟
花消濃艷柳綿飛
西湖只在錢塘外
又見孤山梅子肥

同陳明叔遊湖作

四月河邊冷若秋
先賢堂下繫扁舟
山頭積翠來新意
波面飄紅憶舊遊
無奈楊花欺倦客
已多荷葉護輕鷗

堤邊誰道春歸了
猶有一聲黃栗留

自庫入鎮十二里
皆山徑邢侯以馬相招道間

口占問梅

蹇驢突兀萬山間
欲雨還晴雪又慳
一路梅花尋不見
多應開向小溪灣

王琮 七首

琮字中玉枯人有雅林小稿

三巖

閑攜一壺酒來對雪巖
斟秋老瀑飛瘦石寒
雲宿深坐

無僧共語行有鶴隨吟此處儘不俗令人生隱心

題獨醒小亭

自注東嘉酒舍予所創

退食多留此翛然一散襟涼從曉來覺秋向雨中深
竹侵山色簷茅雜柳陰有誰能載酒過我共幽尋

鄴中書懷

苦無官况莫來休羞見旁人說宦遊九十日秋蛩共語
兩三夜雨雁供愁腐紅只有虛名在堅白難將實意醜
驛路梅花歸正好苦無官况莫來休

漢荆王墓

廟在京口府治

落落廟碑摹瘞鶴陰陰宰木宿神鴉可憐寶劍凌雲氣
散作金燈滿地花

客中從厚祿故人乞米

范甌欲塵貧亦甚陶腰未折計何如小窓獨對蕭蕭雨
臨得唐人乞米書

舟過孤山

寂寞梅花處士墳竹圍巖脚一泉深偷瞻翠輦曾遊處
水鑰年年護綠陰

獻可約遊北山阻雨

南宋詩選 卷一
共約湖邊喚短篷曉來何事雨兼風山林只合閑人到
不入時官眼界中

南宋羣賢詩選卷一

南宋羣賢詩選卷二

江都 陸鍾輝 淳川 甄錄

斯 植 二十五首

植字建中采芝集二卷有寶祐丙辰自跋集中五
言如晝長花影轉風定篆香消晚天寒欲雨春樹
夜生雲鐘聲兩寺合人語一溪分松聲臨石斷山
影與泉分斷雲連雨雪落日遠人烟老樹烟蘿雨
殘燈石塔雲曉潤侵吟壁寒雲繞竹扉滿山晴葉
雨四壁老蛩秋一夜霜欺髻連朝雨送愁數程秋

南齊詩選 卷二
岸雨一飯野船蒿率清穩可誦

喜人歸幽棲

霄漢分携久吟懷思欲迷相逢春草外歸隱石房西澗
急禽聲少松搖月影低要知人靜夜猶自怯猿啼

水石山居

靜極青山裏松花滿石床春風思華嶽夜雨夢瀟湘人
影歸林薄猿聲出澗長心如無別事同此閉閑房

訪故人

石榻相期久閑尋到野房春歸芳草暗雲入楚山長人

影分孤驛鷄聲落曙桑淒涼千古事回首兩茫茫

山家

一溪流水遶烟霞路入青松第幾家蝴蝶傍人飛不去
隔墻開盡碧桃花

寒食

江南江北紙錢飛處處人家拜塚時杜宇不禁寒食雨
五更啼血上花枝

堤上

楊柳垂絲拂畫船杏花零落斷橋邊半山烟雨東風惡

南齊詩選 卷二
更向西亭聽杜鵑

春花

玉樓臺畔柳生烟况是春風杜宇天一片月光涼似水
半扶花影上鞦韆

古樂府二首

青年叫子規行人泪如雨子規不肯歸行人不能去
早作西川行暮作西川宿楊柳忽風生年年芳草綠

挽周彥良

白首功成未十年寡妻相弔泣江干詩名似水聲還遠

世事如雲夢已殘楊柳滿堤人去後海棠深巷雨初乾
東風急起青山泪雖有君書不忍看

思歸感興

久客空江上閑吟對石門青山非遠近流水自朝昏夜
月添鄉夢春風入燒痕翻思南郭路迢遞隔烟村

與子入山來

與子入山來永夜不得睡但聞松子聲敲落梧桐樹月
到窓愈明秋風瀉流水古琴三兩弦知音不知處惟有
白面猿閑中自來去

春日同友人遊湖上

十里湖邊路垂楊映馬蹄水光平野濶山影繞樓低夜
雨生青草春風濕紫泥興來無限意同此片時題

過越

渺渺天涯路扁舟去不窮水花隨岸盡山影落江空往
事千年夢漁歌一夜風詩成惟有月清致與誰同

天竺山居

對雨吟方穩西風忽晚晴野花沿澗白秋意入簾清淺
水藏魚影重林隔磬聲是非塵外事誰可繼高名

江村晚眺

盡日無多事閒行一徑陰人歸秋寺晚月滿夜堂深海
濶頻生霧城荒遠見林青山與華髮空愧百年心

雪鵠

風吹蘆葦鳴殘雪滿橋板不見棹回人愁立汀沙晚

鳴鳩

何處芳草多相呼向深塢竹外立寒枝山南又春雨

塞北

兵戰何時息邊塵染客旌亂鴉啼又歇荒草死還生鳥

雨連秋曙江風入雁聲近淮民自悅應是宦情清

倣樊川體

吟邊繞架書千卷壁上梅花水一瓢世事盡從忙裏過
年華空向靜中消山雲宿雨籠殘日汀草浮香滿小橋
對此不須惆悵去野人今已悟吹簫

宿雲軒

千峰雲未還數樹芭蕉綠風雨暗黃昏何人共幽獨

湖上晚望

繞堤楊柳暗漁舟二月風光淡似秋幾度笙歌人散後

夕陽依舊滿紅樓

偶成

漁歌聽盡欲狂吟一徑人家柳影深天意似嫌花信早
東風吹雨又成陰

雪中寄巖泉

吟罷新詩祇自看曉風吹恨上欄杆夜來雪滿前山路
誰對梅花說歲寒

春日湖上

繞堤衰草綠纖纖老裏吟情覺未厭應是踏青天氣近

南文詩選 卷二 五
柳條多插野人簷

陳起 四首

起字宗之錢塘人芸居乙稿

秋懷

又見街頭賣紫茱老懷擾擾類催租客來喜得吳江紙
欲寫新吟一字無

過三橋懷山臺

賣花聲裏憑欄處沽酒樓前對雨時景物如初情自老
夕陽波上燕差池

一念

一念無塵雜三更有夢回同他石橋老過水探寒梅

買花

今早神清覺步輕。杖藜聊復到前庭。市聲亦有關情處
買得秋花插小瓶。

吳仲孚 十四首

仲孚字惟性雪川人菊潭詩集

春閨怨

細柳輕烟鎖畫樓。樓中人去水長流。琵琶聲斷梅花落

別是春風一段愁

蘇堤清明卽事

梨花風起正清明遊子尋春半出城日暮笙歌收拾去
萬株楊柳屬流鶯

湖上雨吟

濕了荷花雨便休晚風歸柳澹于秋一生不作機心事
合轉船頭向白鷗

秋夕

西風吹露下秋空烏鵲無聲占碧桐天氣微涼人好睡

欄杆閑在月明中

野望

閒與蘆花立水邊歸心客思兩茫然夕陽收盡天風急
一樹寒鴉落野田

重拜和靖墓

片玉沉山草亦珍斷碑殘石當麒麟君王別爲開門戶
不欲梅花見路人

山居春興

林雪消寒滴春風入草廬好山分客看闢地課童鋤竹

南文詩選 卷二
瘦偏宜鶴泉清直見魚。邇來因苦詠零亂一床書。

寄越上高疎寮

便教烟雨畫成圖。爭似歸來有賀湖。鏡裏精神西晉有。詩家標準晚唐無。惜花春盡鸚吟苦。敲竹風清鶴夢孤。世事正多心早懶。著書贏得靜工夫。

呈雲麓史侍郎

若教儘儘說漂沉。却恐無繆老不禁。百拙難隨今日巧。一貧方識古人心。牛羊歸盡荒郊濶。猿鶴愁多故國深。亦欲以詩爲活計。世間何許覓知音。

自序

一劍辭家竟陸沉。夢思空向故廬深。槎迷河漢千年恨。樹隔關山萬里心。衣垢正憐貧未去。鏡明忽有老相尋。春歸不與人爲約。青草催詩亦懶吟。

秋夕

雨聲雲氣暮蕭蕭。羅扇恩疎井樹凋。心事暗隨歸夢去。壁燈留與可憐宵。

詠貓

弄花撲蝶悔當年。喫到殘糜味却鮮。不肯春風留業種。

南宋詩選 卷二 八
破氊尋夢佛燈前

次王漢和見寄韻

扇恩已盡漢宮秋空憶金鞍遠玉樓九辯不歌黃菊老
斷烟零雨爲誰愁

傷春

白髮傷春又一年閑將心事卜金錢梨花消瘦東風懶

商畧平生到杜鵑

按吳中老儒糜先生記問該洽九經注疏悉能成誦一日仲孚客吳遇諸

途扣以近作因誦白髮傷春一首糜先生屈膝拜之曰子真謫仙人也老夫每欲效顰則漢高祖唐太宗追逐不可置矣

王同祖

四十二首

同祖字與之金華人官建安太守學詩初稿有嘉
禧庚子建安郡齋自跋

京城元夕

鼓吹喧喧月色新天街燈火夜通晨玉皇不賜傳柑宴
散與千門萬戶春

太乙宮卽事二首

金殿重重晝不開盤窠蒼栢兩行栽角門東畔瞻宸几
仙仗曾迎翠輦來

綠陰密處着危亭佳氣葱葱王武林一片紅塵飛不入
杜鵑啼處白雲深自注山後有亭乃武林山

夜步內門

靜夜孤燈人未眠等閑行過內門前一聲唱徹連珠喏

自注皇城夜碧月朱欄綠柳邊
間唱連珠喏

明堂觀禮雜詠 十三首

尚書省觀泣誓

中辛胝吉建齋壇宰相前期誓百官尊祖敬宗天子孝
儀文莫作等閑看

端門觀習肆赦儀二首

百官常服拱端門丹鳳啣書下九闈宰相迎前宣授了
齊班舞蹈謝君恩

兩邊黃幕護朱簷中貴當頭候捲簾扶起金鷄爭搶取
要教天表庶民瞻

車駕宿太廟

金甲重矛兩內臣堦前對立氣英英巡更場內知誰問
聽得傳呼宰相名

車駕回太廟

南宋詩選 卷二
瑞靄祥雲傍晚開九重法駕太宮迴一聲靜驛千官肅
衛士傳呼御座來

金甲衛天街夜步

風不停雲月更清千門綉幙笑歌聲御營巡檢無拘束
走馬天街夜達明

內前

青帷朱簾柳陰旁玉罄金鐘列兩行輦路旋添泥細細
鷄竿揭處瑞雲黃

和寧門觀駕

星斗中天夜向晨寸雲不點月華明六飛過盡燈如晝
窓漏遲遲報五更

肆赦

九重夙夜畏天威何事晴明一夕非不放明堂大朝賀
盡拋坊樂獨行歸

自注上以天雨
免朝賀及迎樂

觀景靈宮恭謝二首

聖王宗祀懷多福恭謝回來看帶花祝歌笙鏞齊合奏

舉頭更見日光華

自注時積
陰初霽

膳羞進徹靜無譁宰執齋宮坐賜茶不比常朝添復奏

南宋詩選 卷二
自注常朝除目覆奏
而後出劄惟齋宮免報來除目十餘家

回龍橋望駕二首

回龍橋上望龍顏
毅采英英仰視難
須信吾王自神武
何憂中國不尊安

兩行衛士錦宮袍
萬歲聲長徹九臯
過盡羽旌風細細
彩雲不動御爐高

晚秋登樓

獨上危樓望落暉
昏鴉歸處遠烟微
湖光洗得秋容淨
爭奈江南雁又飛

送劉方石歸盱江

歲云暮矣始成行
珍重劉公半月程
四海干戈風物改
亂離時節別離輕

湖上早行

錢塘門外買湖船
霧氣衝雲水接天
只有蘇堤金線柳
半籠早日半籠烟

元日二首

自注巳下
係丁酉作

一夜東風換斗杓
千門曉色雪初消
君王已奏平淮雅
猶自謙冲免會朝

自注時以邊
事免大朝會

雲集衣冠拜紫宸。榻前除目報來真。君恩先到宮門柳，
占得人間第一春。

觀宰相早朝

五更三點內門開。御路傳呼宰相來。天子未明思政理，
退朝常是過辰牌。用唐人進退格

內前二首

兩桁垂楊護九重。翠眉羞畫舊隋宮。柔條似怕君恩重，
低拂朱欄舞曉風。

麗正門開曉色鮮。萬絲綠柳御溝邊。禁中恐有題紅怨，

不放涓流出內前。

小立

小立危樓望眼遙。晚烟淡處見湖橋。梅花落盡寒猶力，
留得東風候柳條。

春日禠興二首

迢迢清夜靜無譁。月色千門噪亂鴉。自注吳山月坐久明則鴉羣噪
忽驚寒力重。不知殘雪在梅花。

粉墻紅杏半離披。春滿人間花自知。幽鳥不言如有思，
等閑飛上海棠枝。

天津橋

自注橋在行宮前昔人謂山如洛邑水如灑澗因以名之

行闕千重鎖暮烟山如洛邑水如灑黃塵障斷中原路

忍立橋頭聽杜鵑

晚出昇州門

晚驅羸馬出東城過盡山崗路却平村店夜深人語靜

隔橋風遞暗潮聲

秋日金陵制幙書五首

自注以下係戊戌以後詩

幕府秋來事更多夜深猶自擬諸窠

自注制闔諸窠大則曰房小則曰窠

蓋傲朝廷之制平安號火新來急聞說連宵已渡河

點盡官軍點到民三千新遣殿司兵流移更講關防策

預結強丁戍列營

自注流民強壯預為未然慮置勇士一軍團結之

哨馬紛紛一水間渡頭分戍要防奸可憐生計漁舟者

官給旗牌禁往還

自注諸渡遣官戍之以為禁奸之防至於漁舟亦自官給黃旗里牌以考

驗

元帥謙謙盡下情麟堂垂晚更延賓遇風盡是同舟客

肯把秦人視越人

明朝玉帳過江邊騎卒行營一日先出得公庭天向夜

通宵人散起家錢

自注元帥江行騎卒遣幙中通夜散起家錢于諸營

冬日金陵制幙書事五首

督制堂堂兩重臣駐師移府夾江濱資糧屏屨多多辦

更有舟車乞與鄰

自注時督制兩閩移屯江岸應援淮城東閩亦自維揚提兵會合軍需等

物多本司貸之

官軍聞說定廬州破賊功成一滴油

自注一滴油弩名

智勇功

名付元凱王三錫命到康侯

自注此詩為合肥作金人以重兵三十萬圍城者四

十餘日制帥杜公於援兵未至前不動聲色而破之父子俱奏雋功受上賞

城中守將方投死陣面將軍已賣降版築紛紛成底事

那知靠後是長江

自注此詩為滁州作金人圍滁城凡兩月守臣陳廣極力挫之已有退志

會援師築城于江濡未進廣以中傷死有內變遂入而城亡矣

薄晚官軍得勝歸家家戶戶掛旌旗陣前紀律明于日

師入城來半不知

三五同寮出幕遲公餘終日意怡怡歸來又被梅花惱

撥冗銅彝插數枝

沈說十九首

說字惟肖龍泉人有庸齋小集

暮春

燕翼初乾綠滿池桑陰收盡麥黃時一年春事又成夢

幾日愁懷欲廢詩料理病身嘗藥遍揩摩睡眼看書遲
翛然獨倚欄杆立花下狸奴卧弄兒

紙衾二首

繭面新乾帶露揉春回斗帳伴吟愁殘年已辦蒙頭過
風雪從教打戍樓

一幅新裁碧澗水野人留客宿雲層山房恰好松醪熟
夜半無眠話葛藤

溪樓

心遠俗塵隔樓高野興多稻花黃雀雨山影白鷗波灘

澁推船上橋危挽客過日斜欄倚遍無句奈愁何

寄張永堂

浙江風浪濶夢不落吟邊書到知何日君歸想隔年才
高朝士重命拙故人憐早辦山中計吾今省俗緣

烟浦

烟浦殘鴉舞夕陽風枝病葉似初霜眼中秋色十分淨
沙外寒流一綫長溪女得魚烹碎白田家收穀晒新黃
偶尋野趣歸來晚草際螢飛點點光

縉雲道中

南史詩選 卷二 三
去作京華客離家此月前問程恰中道數日近殘年山
雨易成雪村雲疑是烟僕行愁不進添乞去聲酒漿錢

明融盆池

涼入湘簾影半開小窓午枕夢初回蕭疎數葉秋菰上
也解聲聲報雨來

晚春

白頭何計是生涯日日樽前卧落花綠滿池塘無一夢
夜來風雨過誰家

贈斷琴二首

我琴未弦時渾然心與耳自從識開指反爲琴所使
清風千古曲雪澗敲寒玉誰能繼此音蒼梧泣修竹

秋詞

雨放涼飈晚復晴小窓人亦共秋清月華網在蛛絲上
錯認疎簾挂水晶

馮公嶺

曉上馮公嶺艱難見客情雨和殘葉落身逐亂雲行野
店山腰出秋泉石鑄生若將世途比此路更爲平

竹色

竹色留清睡薰風晝一簾
嬾因人事少病覺老顏添
開檻臨昏鏡齊書補墜籤
晚蟬聲欲斷新月到虛簷

曉色

曉色欄杆外翛然一欠伸
雨中無過鳥烟際有行人
樹濕清陰重沙埭潦漲新
憑誰借簑笠整釣傍溪鄰

薊溪途中

天風吹落日秋色上遙岑
倦客未投館棲鴉已滿林
妻孥非遠別歲月易驚心
市酒不成醉新蛩助我吟

雪

凍項縮如龜茅簷諷雪詩
冷于初下日好是未消時
樹重高枝折窓明曉色遲
忽思溪上路擬借蹇驢騎

送周堂長歸慈溪寄何贊府

慈溪隔楚雲間不接鴻鱗
因送還鄉客重懷佐邑人
海明看出日山晚倦行春
料得雙松下吟成瘦鶴身

西湖獨步

平湖開霽色寒碧照空心
小立背橋影緩行隨柳陰
幾年勞遠夢到日記曾吟
荷蕩成芟地蕭蕭秋意深

陳允平

三十三首

允平字衡仲又字君衡鄞縣人有西麓稿居易錄

詞家大宗而詩復精詣如此不易得也玉几山房聽雨錄世祖西麓先生以高才試上舍一時名公卿皆爲傾倒既不遇嘗往來于吳淞淮泗間適情山水而已倚聲之作共推特絕著有日湖漁唱詞稿元初以人才徵至北都不受官放還清風勁節人尤以此高之

賀伯父大資休致

不戀清時白玉璫便將身世寄滄浪三朝元老黃樞閣
四海閑人綠野堂楚楚菁蘭秋帶雨蕭蕭寒菊晚宜霜
擬成東甬耆英社賸落壺天日月長

侍謝立齋小酌湖樓

風捲珠簾客珮清杜鵑啼老送春聲水浮亭館花間出
船載笙歌柳外行千里夕陽歸夢遠六橋飛絮馬蹄輕
欄杆倚遍暮天濶烟樹一鈎新月生

春詞

楊柳春風三月三畫橋芳草碧纖纖一雙燕子歸來後
十二紅樓捲繡簾

江南謠

柳絮飛時話別離梅花開後待郎歸梅花開後無消息
更待明年柳絮飛王阮亭曰極有古意

登招寶山

宇宙初開闢何神立此山中流天柱石大地海門關浪
惡蛟龍怒雲深虎豹閑潮期與日月千古一循環

秋夜遊東墅

雲壓高空鴈陣低江城歷歷草離離樓臺秋淡玉簫遠
簾幙夜寒銅漏遲明月鷺鷥菱葉浦西風蟋蟀豆花籬
一樽酒盡銀河落猶有殘鐘出古祠

春閨怨

妾家住在湘西曲門枕湘江春水綠年年長是暮春時

兩岸垂楊啼布穀自君話別湘江頭獨上層樓彈箜篌
娥眉不掃遠山碧滿堤芳草春正愁舉頭不見君但見
湘江雲江雲散復聚妾心空如熏舉頭不見君但見湘
江水江水去復回妾顏爲誰美湘江雲湘江水雲水悠
悠何日已舉頭望君君未歸門前楊柳空依依

遊陽明洞天

萬木陰沉鎖石門烟霞深處近崑崙洞簫聲接玉臺磬
寶蓋影搖金殿旛湘浦有龍雲氣濕越山無鶴露華昏
靈芝採盡歸何處溪上白蘋花正繁

哭樓梅麓

白玉樓成去作文，祇從西棘掛朝冠。
生來病苦相如渴，沒後人知范叔寒。
野店春閑沽酒榼，溪堂月冷釣魚竿。
梅花麓上誰彈淚，歲歲東風吹不乾。

題胡月山唵屋

蘇公堤上路，日日課新唵。
流水行花影，斜陽卧柳陰。
斷橋春聽樂，矮屋夜鳴琴。
皎皎山門月，如君一片心。

宿大慈山悟真觀

終南道士學彈琴，門外松蘿鎖翠陰。
瀕海八龍朝出洞，

隔山羣鹿夜歸林。
琪花過雨金風澹，玉樹籠烟璧月沉。
三十六壇鐘鼓寂，雲璈聲接步虛音。

有感

軟紅塵裏度韶華，楊柳橋邊舊酒家。
燕子不歸春漸老，東風開盡折桐花。

終日

終日懷人凭曲欄，餘陰未放客衣單。
祇緣二月風光淡，別作一般天氣看。
梅粉有香銷夜雨，柳絲無力受春寒。
閑情漠漠難拘管，自逐輕鷗下急灘。

過釣臺作

雙臺屹屹幾春秋
千古高風一釣鈞
越嶺有雲山北障
桐江無浪水東流
雪深黃葉埋寒虎
烟煖青莎卧白鷗
漢業已隨宮樹老
月明常到客星樓

春閨

寂寞梨花院落閑
遠山愁入兩眉彎
黃金絡索珊瑚墜
獨立春風教白鷗

曹娥廟

漢碣嵯峨幾百秋
曲墳遺廟越山頭
潮聲浸帳鳳屏冷

雲氣遶臺鸞鏡愁
孝節稜稜雙檜立
哀魂渺渺一江流
椒觴載酒靈風起
知我懷親送遠舟

虎邱卽事

西風劍珮輕獨立
妙高亭山吐巖頭
月江涵水面星石
奔蒼虎勢樹結老龍形
何處吹簫客扁舟過洞庭

青龍渡頭

天濶雁飛飛松江鱸正肥
柳風欺客帽松露濕僧衣
塔影隨潮沒鐘聲隔岸微
不堪回首處何日可東歸

仲冬南樓野望

繡幕香溫生暮寒淡烟漠漠水漫漫吟殘庾嶺梅千樹
夢遶湘江竹萬竿風捲亂鷗棲古塔雪迷孤雁落前灘
一聲玉笛人何所更上南樓獨倚欄

梨花

流鶯偷入未央宮望斷昭陽信不通寂寞雨聲寒食夜
一枝香淚泣東風

賦林景參梅嶼

結廬分得雁山雲嶼上梅花是四鄰水月一天薌世界
冰霜千古玉精神短檠夜雨西窓夢長鍊秋風北塞塵
我亦烟波綸釣侶與君同作歲寒人

懷藩鄮屋

洛陽纔解珮過眼忽秋分四海一明月千山共白雲雁
烟迷曉樹蟲露濕香芹滿紙相思字臨風欲寄君

登西樓懷湯損之

楊柳飄飄春思長綠橋流水遶官墻碧雲望斷空回首
一半欄杆無夕陽

吳山雪霽

九天宮闕春風滿陸地樓臺夜月寒鐵笛一聲吹雁落

片雲不到玉欄干

后土廟

塵擁粧臺翡翠翹
瓊花開盡玉魂銷
崑山上天風落
二十四橋吹洞簫

巳酉秋留鶴江有感

賓鴻幾過澱山湖
夜夜西風轉轆轤
首宿草衰江館靜
枇杷葉老石泉枯
曲終明月閑歌扇
病去寒灰滿藥爐
客夢不堪千里遠
故園籬菊正荒蕪

江村

草舍蔬畦遶柴門
竹逕通斷雲遮落日
細雨濕斜風野
艾抽花碧山茄帶葉紅
烟深南浦遠難認
楚江楓

小樓

寒空漠漠起愁雲
玉笛吹殘正斷魂
寂寞小樓簾半捲
雁烟蛩雨又黃昏

留鶴江有感

抱玉歸來淚滿襟
世間何許覓知音
此生雖有噬臍悔
到此終無嘗膽心
伏櫪馬思雲路遠
避釣魚隱石潭深
故人若問松江客
自採芙蓉學楚吟

姑蘇館

楚岫高低接太行
吳江沙漠下滄浪
秋城霜滿葦花白
夜館月寒莎草黃
芳苑鹿臺初解珮
故宮鸞閣尙鳴璫
五湖一葉扁舟去
十二西樓幾夕陽

對燭

忽憶巴山夜西牕
風雨寒自憐清影獨
誰識寸心丹草
長花猶在香銷淚不乾
海棠貪睡去惆悵五更殘

春曉

曉風獵獵捲芭蕉
簾幙深深燕子巢
十二畫欄都倚遍

一雙蝴蝶上花梢

雷峯少憇

倚塔看明月寒光度
玉繩曲堤藏小艇
疎柳見孤燈
水竹映苔石巖花緣澗
藤香雲吹散後猿鶴伴高僧

南宋羣賢詩選卷二

南宋羣賢詩選卷三

江都 陸鍾輝淳川 甄錄

何應龍 十三首

應龍字子翔錢塘人處士家于富陽有橘潭詩稿

春寒

博山熏盡鷓鴣斑羅帶同心不忍看莫近欄干聽花雨
樓高無處着春寒

客懷

客懷處處不宜秋秋到梧桐動客愁想得故人無字到

雁聲遠過夕陽樓

寄胡雪江

借得官亭小似船六橋風月友三賢芙蓉未發荷花老
一點詩情若箇邊

過垂虹

垂虹上下水連天一帶青山落照邊三十六陂烟浦冷
鷺鷥飛上釣魚船

夏日卽事

野土生烟草樹焦彤彤日角火雲燒池邊自拗青荷葉

分付山童葢藥苗

題駱秀才葺故廬疏

家在西湖合澗橋短籬圍得數椽茅歸來頗費支撐力
羞見春風燕子巢

有別

樓上佳人唱渭城樓前楊柳識離情一聲未是難聽處
最是難聽第四聲

有所思

曾倚空屏唱柳枝一聲嬌逐暮雲低重來只見流鶯在

立盡斜陽不肯啼

江上有感

江上秋深客未歸
荻花楓葉兩依依
傷心最是長橋路
落日西風一雁飛

題臨安傲樓

過了燒燈望燕歸
春寒剗地動芳期
杏花深巷無人賣
細雨空簾盡日垂

杜鵑

君若思歸可便歸
故鄉祇在錦江西
不知何事留君住

却向空山日夜啼

芍藥

金蘂絲頭茜染成
五雲樓映玉盤傾
謝郎一入中書後
二十四橋空月明

傷春

荷葉初浮水上錢
柳花飄盡岸頭綿
不知春色歸何處
欲向空山問杜鵑

毛

珩三十首

珩字元白柯山人吾竹小稿

李荷澤曰柯山毛元白詩人之秀者也吟

南史詩選 卷三 三
稿清深雅正跡前事而寫芳襟深有千
運獨挺一世之作奚止嘲風弄月已哉

小至

九地陽初動披衣起擁鑪門前初去馬窓外漸啼烏雲
色呈金未梅梢破玉無焚香待天曉點易自研朱

廬山棲賢寺

名重于諸刹前賢舊隱踪無人知有路隔樹忽聞鐘瀑
壯山疑裂雲深寺若封或傳遺藁在三叩昔時松

登黃岡清淮門

風吹蘆葉江頭路江水江天共秋暮邊淮寒早客行稀

只有征鴻向南去征鴻自去書不來遠衣未寄憑誰催
孤城慘咽暮笳起城下荒榛接淮水

墨龍

真人尸居雷八荒斷磚殘墨生蒼茫鯢桓下睽九淵黑
神光倒射角與亢平聲明明元氣淋漓蹟水底焚槐海波
赤周流萬化元無極姑使人心識天則

湘江

湘江誰道無情水寶瑟聲寒愁帝子安知日月在中天
萬古重瞳元不死楚南楚北千里雲持香遙禮雲中君

莫起悲風助騷怨蘭枯菊瘁不堪聞

浙江

白鷗舊事隨波去太極陰陽自吞吐長江夜貫黑頭船
四紀沙迎相公路馮夷作劇真等閑五都有客雄其間
上林三官浪憂國千年海底生銅山

檜瀑

媧皇失補天南角一道銀河落君屋又疑元氣自周流
不然瀉盡誰能續瀑邊老檜尤可人髯疎骨瘦皮鱗皴
崩崖欲壓全不懼夜半潛蛟暗來去

虎邱

阿鴻血染吳苔碧氣徹重泉埋不得千年至寶復歸天
顛倒海中飛霹靂至今荒怪列虞初罅石千尋駭遊客
寺邊別廟是何神月黑伽藍問周易

丹陽館

渡江第一南來驛幾度華堂延雁客百年運逐曉雲空
愁殺鞦韆官老無職南徐今日古陽關不斷歌聲祖離席
國朝已復事尤多折損年年春柳碧

秋日卽事

南宋詩選 卷三 五
黃花曝日香欲醉黃蜂抱香暖欲睡老夫邂逅亦欣然
一段先天畫前意喧喧歸雀聒叢篁夕風欲轉明朝霜
花搖蜂醒我亦覺斜陽一片秋茫茫

寓興國之十詠亭呈諸友

斷垣荒棘疑無路忽有幽亭一畝餘不稱郡侯來把酒
偏宜野客借觀書臨階汲水防苔滑隔岸看山愛柳疎
非有舊交時下顧十分風味落樵漁

寓泉之安溪

已恨逢人語不通更堪烟嶺隔千重山城縱是如花好

海霧終愁似墨濃遠信斷無鴻可寄故鄉惟有月相逢
閒于荔綠蕉紅處步履時留到晚鐘

雪

無雨無雲曉色乾忽驚瑰璧滿簷端不教聲到窓前覺
應恐愁添屋下寒占瑞農官尋玉尺析醒公子索金盤
柴門睡起無多事捲上疎簾帶竹看

鳳凰臺

江山依舊昔人非多少興亡問不知雁去又逢重到日
鳳歸安得再來時風吹木葉隨漁艇霜壓蘆花出酒旗

南史詩選 卷三 六
特地待吟吟未穩數聲昏笛戍樓吹

山月

山月共徘徊山泉酌一杯詩成無筆寫畫石記蒼苔

書墨竹

伯夷有夙世契子猷結千古交烟外三葉五葉雨中一
梢兩梢

觀星

九天有象不虛呈歷歷都關國重輕漢客可無經濟意
只將牛女問君平

海陵之堡城

邊聲藉藉早秋風稻未黃時棗又紅莫厭水鄉遷避苦
全家載入綠荷中

儀徵

頻年歲穩少干戈到處人能販五河只道鹺舟偏輻輳
玉盃淫段近年多

多旨樓邊古柳斜龍淵寺裏隔荷花清風盡日無人管
半屬僧家半妓家

販來北棗堪充膳種得西瓜可析醒總是中原舊風物

南文詩選 卷三
不堪今日是邊城

山中吟

山中夜讀書山鬼來相試隔窓問疑難頗及堯舜事予
非卯金人安能動星緯劃然一推窓餘音入空翠
榭葉可以衣松實可療饑騎鹿下山去儼說高人知高
人不可得紛紛却語誰曉窓白雲過且自相同歸

送田耕月遊吳

衣笈詩囊外身輕費亦輕不妨船眼窄時上岸頭行橘
里逢霜信松江問水城吳中間歲稔新糴想須平

吳門田家十詠

選三

到處車聲轉水勞東鄉人事獨逍遙一堤灩灩原非雨
總是吳江淡水潮

王家租入有常規十月開倉不許違占得頭籌先衆了
繞身紅綵送將歸

西鄉本是最高鄉今歲收成亦倍常瓦鼓綵亭連日開
誰家不謝白龍王

陳藏一山房

一室焚香卽太初萬人如海儘從渠第于心上曾無着

何必山中始去聲可居垂箔護花嫌引蝶連筒汲井怕生魚草元政不妨人事問字敲門未可疎

滄浪亭

濯纓人去水空寒事屬明時欲問難日暮客歸園館閉

鷺鷥飛上石棋盤

子美故物惟石枰存

石湖

一片湖光接薜蘿功名餘事屬吟多至今魚鳥皆堪敬

曾見烏巾照碧波

鄧林

三十三首

林字性之自號四清社友臨江人彛叔之子皇夸

曲蕭大山曰詩世業乃精有彛叔即有性之彛叔詩工如柳烟鶯曉障杏露蝶春糧如桃葉渡江

狂子敬梨花帶雨澹真妃皆奇性之蓋出此有夷仲即有彛叔仲叔季父也東山楊伯子題仲集云

半山絕句人以王二十八稱夷仲七言請以鄧五十六稱彛叔又出此夷仲騷彛叔豪性之固應高

也蕭小山曰古如洞庭樂其思幽律如嶰谷笛其和宣絕如喬木嚶其音活居易錄云其樂府

諸作為南渡以來之錚錚矯矯者

效晉樂志拂舞歌淮南王二篇

東昏侯自言安仙華玉壽浮雲端繡窓錦幔飄飛仙丹

青美女侍七賢侍七賢奏笙歌笙歌逸響哀怨多苑中

花未費綺羅我欲踰城城有圍願作雙黃鶴棲瑤池棲
瑤池辟塵垢至尊屠肉潘妃酤酒石頭江上龍駒走三
月春風吊楊柳
唐明皇自言榮金輿翠輦游華清廣寒宮殿凝水晶霓
裳羽衣沉香亭沉香亭泥流霞流霞激灑隊五家誰知
野鹿啣宮花我欲渡關關有兵願作雙丹鳳蜚瑤京蜚
瑤京隱烟霧錦鏞酥酪香囊塵土劍閣縈紉家何許梧
桐葉葉鳴秋雨

劉阮

鹿車小宇宙據鞍常醉眠風塵瀕洞時杯裏全其天伶
達故自佳藉放乃無用試看勸進表何似酒德頌

東山彭澤

乞靈風鶴屐折齒壁後寘人汗如洗樵漁雜沓坐林間
蜉蝣塵埃不可攀石頭擾擾柴桑間

任彥升

鈴懸四角五彩旗分明天產真英奇阿堆文章妙一時
士林往往推元龜楊梅蜜□仁且慈桃米麥飯清堪師
何愁不得中書爲半生紆意梅蟲兒

陶通明

眉疎目朗姿圓通詩書萬卷羅心胸華陽三茅仙洞中
鳳笙隱隱和松風□林圖讖呈梁公朱砂曾青霜雪容
服之身體飄輕鴻積金澗泉東復東山中宰相那無功
昭陽竟作單于宮

綠珠詞

涼臺瀟灑臨清波幄翠簾珠明綺羅哀絲豪竹按清歌
紅潮素臉春風和主君歡娛美人醉報有無情使車至
幾鼓蘭麝俱委塵獨指綠珠可當意衆中偏是承恩深

妾身雖賤無二心君前判命效一死玉笛收身紅日沉
輕裾飄向欄干角花鈿散地金釵落到頭不負齊奴約
猶勝識字空投閣

玉兒

金蓮華上俞尼子永壽神仙羅繡衣苑中荊荻市令嚴
王像支離瓦官寺六宮鴨劄起淫風太白便應縣妲已
此身肯許兜鍪夫猛爲東昏判一死到今羞殺賣降人
去作練兒梁姓臣

次韻陳鈞甫郊行

黃塵敗素意出門慙郊行野菊含冷燄巖松起寒聲高
山唐業崇流水留時清拾薪歸底用石鼎待彌明

關山月集

關山夜月明王分彩照吳兵江將軍擁節起古樂長戍

受降城江焚烽望別壘陸欲驗盈虛理張正塞笳將夜

鵠阮卓戰氣今如此徐重關掩暮烟賀力雲陣上祁連徐

思婦高樓上徐遙心萬里縣賀力

題劉功父與畊堂

默耕原不外靈臺何用錢添百屋堆甘雨每從和氣出

祥風常自善心來畛畦有礙皆除去境界須寬更放開

種德欲如多黍稌本仁先且護根荄太平國裏青精飯

永熟鄉中玉液杯會得遺安龐老意力行好事厚栽培

書懷

西風吹羽扇吾道竟淒涼上坂勞騏驥低巢窘鳳凰可
求非富貴無用是文章冉冉深林底幽蘭正自香

真陽峽

滿眼皆吟料歸囊未盡空江波連岸碧野火張天紅高
樹留寒日長蘆轉晚風客心雖小艇心已故山中

南齊詩選 卷三
曲江歸舟

只道篷低礙覓詩眼前物色自多奇
千山赭去如秦樣
一水清來似晉時
漁父豈無緣葦葦樵人恐有負苓師
僮奴忽報梅花動春在江頭最北枝

江湖偉觀

世間無盡是天游更出湖山最上頭
江面春聲潮捲雪
湖心寒影月澄秋
海門舟楫雲開見瀛嶼亭臺水載浮
不比錢塘歌舞處遠懷西北有神州

蘭

野客過門叫賣蘭清風便自逼人寒
孤根未必靈均種
推作離騷輩行看

聞鷄

不因風雨不分明
羞殺譙樓打亂更
世上公侯多改節
無人肯聽丑前鳴

晉武帝

秋風銅爵曲池平
吳主宮娃滿掖庭
憑仗皇孫聰慧早
不知禍在夕陽亭

左太冲

百字詩選 卷三 三
辛勤十稔賦三都聞者曾貽酒瓮書它日洛中添紙價
陸家兄弟竟何如

朱彥和

文如玉海動時流曾以書棋伏隱侯武德閣前消幾語
却令梁氏缺金甌

任蠻奴

千里旌旗已渡江蠻奴苦諫喚蕭郎却持官裏黃金去
望拜韓擒石子岡

敬微

受用廬山水石奇亭亭霞外薜蘿衣侍中那抵蘇門幃
笑死丹青陸探微

鄧郁

雲母餽糧五嶽樓繡娃少嫗導仙遊不應輕信覆青鳥
便遣東都事業休

石崇

梓澤神仙第一居爭豪不惜碎珊瑚荊州使客知何罪
未必亡身爲綠珠

張茂先

辨精龍肉亦奇才雄匣干將耿不回只守鷓鴣蚊睫賦
天星未必折中台

王夷甫

玉塵消搖吐妙言清流都指作龍門白頭苟活尊□□
夜半排牆未是冤

張曲江祠

延英幾度獻忠言白羽他時賦感恩自是三郎真贗錯
却將天寶換開元

送衡山琴畫張道士二首

滿天風月澹消騷三尺孤桐古調高不敢問君聽別操
請彈二十五離騷

滿空烟雨澹模糊三尺霜縑老墨枯不敢問君求別景
請描七十二峯圖

利州進馬

靈關玉壘自崔嵬誰向西邊起禍胎萬里望堯通一祝
天基御馬利州來

過綠野

世上今無隱退風地名偶與午橋同往來怕看銅駝陌

閒倚柴門憶晉公

望和靖墓

孤山擎出水中央
留下梅花代代香
滿酌湖波遙一酌
問咸平事已荒涼

九里松

松是山靈一手栽
堯天長就棟樑材
龍髯怒起春風急
似怪遊人唱道來

許棐 十八首

棐字忱父自號梅屋壺山人有梅屋稿

夜泊長河

黃帽貪程夜泊遲
市樓燈火歇多時
滿懷風月無分付
却借漁翁短笛吹

訪潘叔明

一室寬于養鶴籠
荻簾疎透雪花風
怪來几案無寒色
春在題詩卷子中

醉起

午醉醺醺到日晡
起呼茶盃炷燠爐
隔窓幾點敲花雨
仔細聽時却又無

元夕後懷河上作

自從樓閣罷燒燈未有今朝一日晴暖拆葑邊水翼破
寒留山頂雪痕輕嬌驄已印尋芳跡小妓新翻鬻唱聲
每箇旗亭商一醉也應排日到清明

鄭介道見訪

步頭楊柳種多年今日方維勝客船掃石共看山色坐
枕書同聽雨聲眠溪羹旋煮蓴絲滑野飯新炊芡玉圓
不啻歸心忙似箭強留吟過菊花天

贈龔彥質

慈湖分與半窓燈照得襟懷徹底明蒲座夜閑猫占卧
笋輿春暖鶴隨行爐香欲盡經猶誦研墨才濃句已成
歲晚弟兄俱白首一樓風雨話深更

趙叔魯

天上除書駱驛飛謫仙何事得來遲旅懷寬似居家日
學力高于未第時山帶晴霏橫畫軸水流清響入琴絲
世間多少王孫貴無我寒泉一句詩

木山父書院

占得文房一丈強地幽雖夏亦清涼瓶花誤倒水侵案

書葉亂掀風滿床。薜長密藤遮半壁。桐分疎影出低墻。
客來莫道無祇待。只啜茶甌却味長。

書郭子度壁

禁苑精廬是切鄰。衣巾雖舊不沾塵。鐘魚聲裏吟連曉。
花柳香中醉過春。和土重泥燒藥灶。買絲新接釣魚綸。
遶湖十萬人家住。如此清閒有幾人。

雁字

點畫分明印碧空。迴鸞返鵲勢差同。月邊映得銀鈎體。
雪裏摹成玉箸工。斷續似經秦火後。悲涼如在楚詞中。

愁人筆硯俱荒廢。倩寫相思寄便風。

贈陳宗之

六月長安熱似焚。鄜中清趣總輸君。買書人散桐陰晚。
卧看風行水上紋。

秋齋卽事

桂香吹過中秋了。菊傍重陽未肯開。幾日銅瓶無可浸。
賺他饑蝶入窓來。

戲題花

一片落花題一字。湊成一句怨春詩。縱橫貼在窓紗上。

南齊詩選 卷三
巧似迴文織錦時

真珠園

芭蕉葉上題詩字
雨後來看半不全
餘濕未勝濃墨補
且携卮酒到花前

數椽

數椽茅屋傍林塘
幽似山僧獨住房
夜靜只憑猿守宅
書閒時有鶴升堂
旋收落葉供茶爨
細搗枯花作印香
畫冊滿床書滿橐
別無生計亦無妨

西真圖

翠水池邊晏早秋
雲謠聲裏月西流
醉歸不信乘鸞穩
却擘蓮花作采舟

趙宰瓊花園

祠下靈根無別種
凡花誰敢鬪榮枯
被君分種鵝溪上
從此人間有兩株

蝴蝶夢

蝴蝶飛蝴蝶飛
紅邊迷了紫邊迷
粉老香乾何處歸
不學蜜蜂做家計
勤苦之中有甘味

胡仲參 十三首

仲參字希道清源人竹莊小稿

偶得

欲問梅花信。山寒去未能。靜思天外句。坐對夜深燈。戒
酒頻添衲。煎茶旋鑿冰。月殘霜又落。無復叩門僧。

道中早發

未曉催行色。微吟獨據鞍。露垂星影濕。月淡水光寒。犬
吠知邨近。鷄鳴覺夜殘。親闈在何許。誰念客衣單。

秋晚汎湖

載酒湖邊買小舟。水光山色解人愁。短籬寂寂菊花晚。

兩岸蕭蕭楊柳秋。落日波間收戲鼓。暮烟林外出歌樓。
倚欄長嘯西風裏。驚起前汀雙白鷗。

試後書懷

踏遍天涯路。春三秋又三。文章與時背。言語對人慚。湖
海氣何餒。山林分未甘。閑僧時過我。揮麈共元談。

雪晴泛湖

雪後湖清淺。令人心眼開。林疎知寺近。水合礙舟回。寒
色欺吟髻。斜陽入酒杯。山行已清絕。况復是尋梅。

春晚見山茶一枝獨開

茶蘼開盡見山茶。血色嬌春帶雨斜。莫是今年逢閏月。
東風吹到背時花。

東竹院孚老

別來旬日許。又過一分春。因感塵中事。空慚物外人。吟
清便境靜。語苦見情真。近况知何事。篇詩得細論。

清明

杯酒濃澆壠上春。東風吹起紙灰塵。可堪腸斷中原路。
草掩荒郊不見人。

寄黃雲心

竹屋少行跡。閉門春晝長。天時半晴濕。人意共炎涼。苔
蘚侵階綠。茶蘼壓架香。冥搜尋杖屨。不爲看花忙。

閨中詞

寫就相思字。燈前帶泪看。欲緘還未忍。少待泪痕乾。

早發

早發六七里。前途曙未分。漁舟依岸立。水碓隔溪聞。獨
樹支殘月。空山半白雲。清晨那可駐。日出又如焚。

性之尋梅歸來有詩因感一絕

處士廬前門逕深。僅留佳句與人吟。孤山近日無行路。

疎影暗香何處尋

寒夜作

生計尙茫茫微吟思故鄉
羈愁消不盡寒夜未爲長
門捲梅花月禽翻竹葉霜
挑燈裁錦字明發有歸航

南宋羣賢詩選卷三

